

木石居精校八朝偶集

弁言

今學士屠祠衆巖

樵偶至間爲第所

涉擬眉長吟繡巖

檢軸累晝達夜及

久成而唾暖隨之是

印化者之用心良苦

而不能博讀者一解

願也此春時故以詞
既板而易意味上拘
而易爲紀傳之難
而爲之難堯山先生

舊里偶舊秋
白晉

宋下迄
豫國
其宮

後詞
金由
聳心
快

月
安
玉
精
切
解
龍

裂空人睨，忘倦。
而起，舞向，輕挑，偶。
可，猷，殊，不，謂，然，因。
信，膚，朝，之，妙，又，非。

萬之難而得其人之
難也高遇鮑庚緒
公晦乃其不為偶乎
以而刻訛舛差穰

未煖披曉暑而新
之未讀者不聞眼
色飛頭為厲偶者
解嘲之豪其從者

得新或於摘簾
之家不爲少助云

甫

木石居主人識

偶雋題詞

原夫儀有兩曜有二奇偶固所
從來麟有脂餽有殘雋永因之
不乏第取譏駢拇探美旒餒日
之降也風斯下矣乃觀天之文

以觀人文而嗜人之災無以異
嗜吾災則不能不資真麗於義
仲藉餽飮於易牙耳故尼父刪
詩悉誅蕪累梁昭選藝特采菁
英美豈在多傳非由愛乎余友

仲舒氏誕秀綺歲妙契九知博
綜軒年夙通五際時寄駱丞之
慨更深韓子之悲遠自六朝近
沿勝國幽探僻購擬暢玄風采
擷芳華冀臻白雪笙簧五典欲

存監於周文金玉三墳尚取裁
於魯簡正謂羸炎而降反古寔
難斷自昭代以前于今爲烈若
夫比屬意義漢雋謝工弋釣篇
章左奇讓博豈曰文章末品庶

幾世代徽音至其雕琢瓊瑤遺
憂於完璞刻畫梓杞抱恨于成
村則尺璧寸珪詎云非寶而裂
繒揆藻寧掩至文耶嗟夫特秀
之幹匪藉植於豐蔀春華之艷

貴必登於秋實或者非混沌之
始而左慈之羝乎引而申之存
乎其人

吳宗儀于甫題

朱明伊新一禽不識
人之銘易危之和危增
飲酒之飲何則茅旨爽
口柔順者知勝勿失心
腸染指者屠歲是以
雖距無咎是維時而強

有。陸毛海鬚。龐貴多而
貴。精。鵝。牛。肥。韋。要。以。是
解。之。技。為。長。四。膝。六。我
匪。直。屠。門。之。時。相。地。養
用。連。珠。為。額。偶。為。

木石居精校八朝偶雋卷之一

句吳蔣一葵仲舒父原纂

吳興茅元銘鼎叔父重訂

六朝

晉魏間尚未知聲律對偶。荀鳴鶴隱陸士龍雲二人會張茂先華坐。張以其並有大才。可勿作常語。陸舉手曰。雲間陸士龍。荀荅曰。日下荀鳴鶴。張撫掌大笑。後釋道安自北來荊州。與習鑿齒相見。道

安因自通曰。彌天釋道安。習荅曰。四海習鑿齒。此四公相諱之辭。當時指爲的對。乃知此體自然。不待沈約而能也。

舊不解四海彌天爲何語。因讀高僧傳鑿齒與道安書云。天不終朝而雨。六合者彌天之雲也。弘淵源而濶。八極者四海之流也。兩人摘其語以爲戲耳。

晉庾亮都督平竟。青州露布相傳爲謝玄作。然殊

不類晉人口吻。疑後人擬撰。其畧曰。徐方旣同。而
來庭。宜王復古。齊地悉平。而振旅。世祖重光。恭惟
皇帝陛下。凝江寧神璽之祚。至於萬年。開吳分歲
星之祥。綏以多福。有方行海表之畧。無晏安江沱
之心。惟氏鞠凶。至堅孔熾。吞燕涼而薦食。介鱗易
我衣裳。闖荆益以長驅。蝨賊荒我居圉。敢行稱亂。
不戢自焚。師克在和。雖武騎無所用。天助者順。聞
風鶴皆爲兵。一戰成淝水之勲。三捷取壽陽之境。

匹○馬○筋○輪○無○反○乃○滅○而○亡○簞○食○壺○漿○以○迎○曰○侯○予○
后○臣○安○請○乘○破○竹○之○機○分○命○采○薇○之○率○辟○四○方○徹○
我○土○誕○將○天○威○獎○三○軍○定○中○原○剪○此○朝○食○齊○變○至○
魯○魯○變○至○道○載○戢○干○戈○汶○達○於○濟○濟○達○于○河○底○謹○
財○賦○斯○皆○帝○德○廣○運○聖○武○布○昭○歸○鄆○謹○田○用○儒○無○
敵○揚○文○武○烈○圖○功○攸○終○于○以○正○六○龍○御○天○之○居○豈○
止○保○五○馬○浮○江○之○緒○臣○等○共○武○之○服○賴○天○之○靈○洛○
邑○朝○諸○侯○望○翠○華○之○回○軫○營○丘○發○嘉○號○埃○土○牒○之○

修。封。通。篇。緝。經。史。如。綴。狐。白。裘。燦。然。一。色。不。見。痕。
縫。非。胸。中。包。藏。萬。卷。兼。之。天。才。駿。發。不。及。此。最。妙。
處。在。徐。方。既。同。江。寧。神。璽。匹。馬。觴。輪。齊。變。至。魯。數。
聯。字。字。是。當。時。境。界。

宋史稱劉穆之目覽辭訟手答牋書耳行聽受口
並酬應不相參涉悉皆瞻舉嘗判恩賜綾錦出關
其辭云某就日輪琛占風削祗既踰葱嶺便集藁
街頻承湛露之恩幾荷汕雲之施至若綾開翥鶴

映。睢。浦。以。成。文。錦。縹。翔。駕。艷。江。波。而。濯。色。近。九。重。
之。厚。錫。充。萬。里。之。輕。齎。關。司。以。寄。重。咽。喉。任。光。襟。
帶。物。皆。違。樣。既。生。非。馬。之。疑。事。乃。出。蕃。須。計。鳴。雞。
之。失。既。緣。恩。賜。有。異。常。途。勘。責。不。虛。固。難。留。滯。觀。
此。判。則。穆。之。決。斷。如。流。信。有。倍。萬。恒。品。者。矣。

孝。武。帝。文。章。華。敏。其。祈。晴。文。畧。云。幸。輟。霖。而。吐。景。
權。停。風。而。歛。翳。昭。鸞。輅。於。天。郊。光。龍。旂。於。田。際。耒。
耨。得。施。黍。稷。獲。藝。增。高。廩。於。嘉。年。登。十。千。於。茲。歲。

古帝王遇災而懼。皆自責以答天譴。此文殊無自責之意。然格調音響。却俱在漢魏上。

元嘉中南平王獻赤鸚鵡。普詔羣臣爲賦。太子左衛率袁淑文冠當時。賦畢。賞示謝侍中莊。時莊賦亦竟。其文云。慧性昭和。天機自曉。審國音於中。寢達方聲於遐表。及其雲移霞峙。霞委雪翻。陸離暈漸。容與鴻軒。躍林飛岫。煥若輕雷。激銀漢。集塲棲圖。曄若天桃。被玉園。又云。月圖光于綠水。雲瀉影。

于青林。遡還風。而聳翮。霑清露。而調音。哀見而歎。
曰。江左無我。卿當獨秀。我若無卿。亦一時之傑也。
遂隱其賦。

謝希逸。莊月賦云。日以陽德。月以陰靈。擅扶光於
東沼。嗣若英於西冥。引玄兔於帝臺。集素娥於后
庭。歌曰。美人邁。今音塵闕。隔千里。今共明月。臨風
歎。今將焉歇。川路長。今不可越。孝武帝吟歎良久。
謂顏延之曰。希逸此作。可謂前不見古人。後不見

奉者延之對曰美則美矣但莊始知隔千里今共
明月帝召莊以延之答語語之莊應聲曰延之作
秋胡詩始知生爲久別離沒爲長不歸帝撫掌笑
曰人好嘲謔未有不遇其敵者

謝惠連嘗爲雪賦以高麗見奇其文曰始緣薨而
冒棟終開簾而入隙旣因方而爲珪亦遇圓而成
壁盼隰則萬頃同縞瞻山則千岩俱白說者謂與
謝莊月賦爲一時勑敵

王元謨問謝莊何者爲雙聲何者爲疊韻莊答曰
互韻爲雙聲礲礪爲疊韻按毛詩蟋蟀在東又鴛
鴦在梁此雙聲之所由起古詩月影侵簷冷江光
逼履清此疊韻之所由來

元嘉中詔郡國各舉士凡薦舉皆有表劉孝儀薦
賀瑒表曰伏見賀瑒結卷就賢擔簦來學鄉塾染
其丹采朋友扣其洪鐘聲無愧於東筠材有踰乎
西杞陸徽在廣州薦從事朱萬嗣表曰伏見朱萬

嗣。以。業。冲。夷。乘。操。純。白。年。既。知。命。廉。尚。愈。高。冰。心。
與。貪。流。爭。激。霜。性。與。晚。節。彌。茂。歷。宰。金。山。家。無。寶。
鏤。之。飾。連。組。珠。海。室。靡。當。珥。之。珍。二。表。莊。語。可。人。
齊。永。明。末。都。下。人。士。咸。爲。文。章。吳。興。沈。休。文。約。陳。
郡。謝。玄。暉。眺。瑯。琊。王。元。長。融。以。氣。類。相。推。轂。爲。文。
皆。用。宮。商。以。平。上。去。入。爲。四。聲。以。此。制。韻。不。可。增。
減。謂。之。永。明。體。眺。謝。隨。王。賜。紫。梨。啟。云。味。出。靈。關。
之。陰。旨。潤。玉。津。之。澁。豈。徒。真。定。歸。美。大。谷。滋。慙。將。

恐帝臺妙崇安期靈聚不得孤擅玉盤獨甘仙席
雖秦君傳器漢后推餐望古可傳於今誰答融謝
武陵王賜弓啟云融揖讓未工濫陪升飲之賞操
弧反正繆奉招賢之賜文韜鏤景逸幹捎雲玩濫
百齡佩流千載又謝安陸王賜金鉢啟云素金之
貴有訪仙經鐫刻可奇見符神鼎撤膳器於珍羞
之席降寶玩於簞瓢之門

沈約撰四聲譜自以爲得天地秘傳之妙其謝勅

賜絹葛啟云素采冰華絺文霜潔變滌暑於閨閣
起涼風於襟袖任昉見之歎曰此休文字字錦也
竟陵王少有清尚傾意賓客一時文學之士競奏
竟陵西邸王融沈約王僧儒輩並見親信融有啟
謝竟陵王示扇云輕踰雪羽潔並霜文子淑賞其
如規班姬儷之明月况復動製聖衷垂言炯戒載
摹聽眎式範樞機約有啟謝竟陵王教撰高士傳
云明公愛奇商洛訪美東都蓋欲隱顯齊功出處

同致巢由與伊旦並流三辟與四門共軌肅奉明
規思自罄勗僧孺有啟謝竟陵王使撰修書籍云
伏惟殿下銅爵始成早摘從后之句柏梁初構首
屬驟駕之辭又云徒以願託後車乃望西園之客
攝齊下坐有糒南皮之遊謬服同於魯儒竊吹等
乎齊樂竟陵王咸嗟賞之

沈休文爲安陸王謝荊州章有云身班帝穆爵首
藩圭好禮慙河敦詩愧楚江文通淹爲建平王拜

荊州刺史章有云襲禮炫衷迎恩震色又爲建平
王慶登祚章有云覓泣江郊心法京國詞極追琢
有章。

江淹到功曹叅軍牋詣竟陵王云竊惟明使君鉞
下道耀神源德鑄靈極變瑤光之暉贊玉燭之色
功邁翊殷績起匡漢是以亦瑕瓊寶之文睇影而
夔集青虬遺風之乘晞光而遠至如民者謬以一
氣之微邀百載之會潤厚累璧恩重兼金滂越之

琴竊痊文之價。缺齧之劒。蓋須哀之名。心羞秦勝。
志慮楚犢。抱魄踴躍。憂集如燠。又到主簿。日牋詣。
建平王云。某乃庸人。素非竒士。身輕恩重。彼奉末。
光。枉白璧之惠。降黑貂之私。不謂咸池再暉。瑤光。
重照。開高天之慈。布厚地之施。承命以驚。巡走且。
失。又奏記詣新安王云。伏惟殿下。爰求儒雅。旁招。
異人。削赤野之玉。翦燕山之金。至如某者。遂遭煙。
露。餘彩日月末光。惟恩知泰。變色薰心。某聞齊石。

既○撫○無○待○巴○人○之○唱○檀○臺○已○構○寧○俟○不○才○之○木○某
幼○乏○鄉○曲○之○譽○長○匱○斤○藻○之○德○豈○宜○炫○璞○鄭○氏○獻
鳳○楚○門○哉○願○避○職○吏○緩○其○召○書○讀○三○牋○知○文○通○信
才○子○也

江文通嘗宿冶亭夢一美丈夫自稱郭璞呼文通
曰吾有筆在卿處多年可以見還江探懷中得五
色筆授之爾後爲文絕無美句時謂才盡文通代
蕭侍中作敦勸表雖極刻練但音節殊覺艱澁此

豈其才盡時耶。然其間有云。臣不能遵。煙洲而謝。岐伯迎雲山。而揖許由。激昂榮華之間。沉潛印組之內。光飾旣超。寵臨亦遠。此等句。唐宋來亦少。孔稚珪有謝賜生荔枝啟云。綠葉雲舒。朱實星映。離離昔聞。曄曄今睹。信西岷之佳珍。諒東鄙之未識。按王逸荔枝賦曰。角昂興而靈華敷。大火中而朱實繁。灼灼丹華。吐日離離。繁星著天。左思蜀都賦。傍挺龍目。側生荔枝。布綠葉之萋萋。結朱實之

離離稚珪啟正用二賦中語

晉木玄虛華孫興公綽齊張思光融並作海賦
波則洪連踳踳吹澇則百川倒流此玄虛之雄也
舉翰則宇宙生風抗鱗則四瀆起濤此興公之雄
也湍轉則日月似驚浪動則星河如覆此思光之
雄也三賦措語無大懸絕融後以其賦示鎮軍徐
凱之凱之曰卿此賦實超玄虛但恨不道鹽耳融
卽求筆增曰澆沙搆白熬波出素積雪中春飛霜

暑露。

梁氏帝王簡文爲勝。湘東次之。其謝賡諸表啟並
稱精麗。簡文謝東宮賜表表云才慙齊相。受白狐
之飾。德謝漢蕃。均黑貂之賜。地卷朔風。庭流花雪。
裙生惠氣。袖起陽春。謝勅賡方諸劔等啟云纔發
玉函。雕奇溢目。始開牙檢。麗飾交陳。已匹丹霞之
輝。乍比青雲之制。身文自貴。器用惟宜。寒暑兼華。
左右相照。謝賡賜玉佩啟云藍田麗彩。槐水鏤文。

飾以金闕之珠。製以魯般之巧。故以裾端照色。影
外生光。恩發內府。猥垂霑賜。臣方溫謝德比。振慙
聲。沐浴深慈。欣荷交至。謝勅賚廣州。樞等啟云。淮
南承月之杯。豈均符彩。西國浮雲之碗。非謂瓌奇。
謝勅賚長生米。啟云。堯禾五尺。未足稱珍。漢苗九
穗。方斯非擬。如隨瑞鹿。若降神烏。慕律向游。獻春
方始。食乃民天之貴粒。有延齡之名籍。此資身因
斯養性。謝勅賚益州天門冬。啟云。逮自星橋。見珍

玉壘。本草稱其輕身延壽。實爲上藥。姬晉之重丹。
桂。曹丕之愛落英。一家恩錫。竊幸往代。謝勅賚城。
邊橘。啟云甘踰石蜜。味重金衣。暉章縹李。豈止稱。
於晉世。上林美棗。非獨高於漢日。謝勅賚河南棗。
啟云海水無波。來因九譯。周原澤洽。味備百羞。堯。
韭未儔。姬歎非喻。謝勅賚大菰。啟云吳愧千里之。
尊。蜀慙七菜之賦。是知泮宮採茆。空入魯詩。流火。
烹葵。徒傳幽曲。謝賜柿。啟云懸霜照采。凌冬挺潤。

甘清玉露。味重金液。雖復安邑秋獻。靈關晚實。無以匹此嘉名。方茲擅美。

陶貞白有二刀名。善勝威勝。武帝以賜簡文。簡文謝啟云。名均素質。神號脫光。五寶初成。曹丕先荷。其一二勝。今造。愚臣總被其恩。錫韓非之書。未足爲比。給博山之筆。方此更輕。

簡文又有謝賚扇啟。及荅定襄侯餉卧簟書。亦並灑然可愛。啟云。某奉宣勅旨。垂賚細綾。大文畫柳。

蟬雀扇一柄者。文均析縷。香發海檀。肅肅清風。卽
令衆簞非貴。依依散彩。便覺夏室含霜。飲露青蜩。
應三伏之修景。羣飛黃雀。送六月之南風。蔽日垂
陰。薰澤慙采。浮涼滌暑。蘋末愧吹。其答書云。筠簞
多品。篠蕩雜名。校色比奇。獨此爲貴。自含蒼紫。似
久暴于柯亭。乍舒黝素。若屢霑于湖水。三伏餘炎。
九折成用。便可旅食南館。高卧北牕。

湘東謝東宮賜彈碁局啟云。繹本慙游藝。彌愧拂

巾緣邊之法。庶遵細柳之陣。徘徊之勢。方希明月。
之樓。謝東宮賚辟邪子錦白襦等。啟云江波可濯。
豈藉成都之水。登高爲豔。取映鳳凰之文。至如鮮。
潔齊紈。聲高趙縠。色方藍浦。光譬靈山。試以照花。
含燭銀之狀。將持比月。亂含璧之輝。謝東宮賚花。
釵。啟云麗玉澄暉。遠過玳瑁之飾。精金曜首。高踐。
翡翠之名。謝東宮賚瓜。啟云金榮始薦。瓊藥載珍。
味奪蔗漿。甘踰石蜜。

湘東嘗出軍。有人將婦從者。湘東爲勸語曰。才愧李陵。未能先誅女子。將非孫武。遂欲驅戰婦人。徐君舊時爲諮議叅軍。應聲曰。項籍壯士。猶有虞兮之情。紀信成功。亦資姬人之力。洛陽王偉從侯景叛。景敗。元帝愛其才。欲全之。朝士請曰。前日偉作檄文甚佳。帝求視之。有云。項羽重瞳。尚有烏江之敗。湘東一目。寧爲赤縣所歸。乃大怒殺之。

昭明文學藻思高於一時。方之簡文。湘東難爲兄
弟。謝勅賚地圖。啟云。漢氏輿地。形茲未擬。晉世方
丈。比此非妙。匹之長樂。唯畫古賢。備之未央。止園
將帥。未有洞該八數。混觀六合。域中天外。指掌可
求。地角河源。戶庭不出。豈問千秋。自識烏桓之地。
脫逢莊武。方著博物之書。

昭明亡後。蕭子範求撰其集。表云。臣蟬翼輕身。未
從塵露。豹班嚴駕。永輟駢聯。戀生懷慈。伏深涕慕。

冒乞銓次遺藻勒成卷軸

梁自大同之後雅道淪缺爭馳新巧簡文湘東啟其淫放徐庾諸人分路揚鑣簡文在東宮時徐摛爲家令摛文體輕麗春坊學之時人謂之宮體嘗有一人病癰摛撰四言云狀非快馬蹋脚相連席異儒生帶經長卧其好爲新奇如此簡又在東宮日雅好文士庾肩吾預其選賜賚甚厚每賜必有謝啟謝東宮賚檳榔云無勞朱實兼

荔○支○之○五○滋○能○發○紅○顏○類○美○容○之○十○酒○登○玉○案○而○
上○陳○出○珠○盤○而○下○逮○澤○深○溫○柰○恩○均○含○聚○謝○東○宮○
賚○米○云○滢○水○鳴○蟬○香○聞○七○里○瓊○山○合○潁○租○歸○十○縣○
某○人○懸○振○藻○徒○降○雲○間○之○松○職○濫○更○繁○空○撒○家○承○
之○俸○成○珠○委○地○事○重○逢○仙○游○玉○爲○糧○珍○踰○入○楚○謝○
東○宮○賚○朱○櫻○云○異○合○浦○之○歸○來○疑○藏○朱○寶○同○秦○人○
之○逐○彈○似○得○金○丸○謝○東○宮○示○古○跡○云○仰○巖○遺○篆○入○
握○成○塵○孔○壁○藏○文○隨○開○已○蠹○豈○有○跡○經○四○代○年○踰○

十○紀○芝○英○雲○氣○之○巧○未○損○松○鉛○鵲○反○鸞○驚○之○勢○不○
侵○蒲○竹○謝○資○銅○硯○筆○格○云○煙○磨○青○石○已○踐○孔○氏○之○
壇○管○撫○銅○龍○還○笑○王○生○之○壁○西○域○胡○人○卧○織○成○之○
金○簾○游○仙○童○子○隱○芙○蓉○之○行○幢○莫○不○並○出○梁○園○來○
頒○狹○室○謝○曆○日○云○登○臺○視○朔○覩○雲○物○之○必○書○拂○管○
移○灰○識○權○衡○之○有○度○初○開○卷○始○暫○謂○春○留○未○覽○篇○
終○便○傷○冬○及○裴○回○厚○渥○比○日○爲○年○
肩○吾○又○有○謝○東○宮○賜○宅○啟○云○却○瞻○鍾○阜○前○枕○洛○橋○

池通西舍之流窓映東鄰之棗來歸高里翻成待
封之門夜坐書臺非復通燈之壁西舍東隣景物
亦甚落落但在毫端便成佳句

湘東王亦雅重肩吾數有賜賚肩吾謝湘東賚米
啟云味重新城香踰潑水連舟入浦似彥伯之南
歸積地爲山疑馬援之西至答湘東賚粳米啟云
秣斛瀉珠嘉聞陶量翻庭委玉欣見馬圖謝湘東
賚柑啟云傳名地理遠自武陵之洲族茂神經遙

聞建春之嶺。王逸爲賦。取對荔枝。張衡制辭。用連
石蜜。足使萍實非甜。蒲萄猶餽。謝賜梨啟云。睢陽
東苑子園三尺。新豐箭谷。枝垂六斤。未有生因。粉
水產自桐丘。影連鄧橘。林交苑柿。來薦中厨。爰頒
下室。事同靈棗。有願還年。恐似仙桃。無因留核。
武陵王嘗資肩吾絹二十疋。肩吾謝啟云。清河之
珍。丘園慙其束帛。關東之妙。潛織陋其卷綃。下官
謬忝扁舟。暫瞻還旆。而天人渥眚。增餘論之榮。江

漢安流。無沂洄之阻。遂使鶴露宵凝。輕絺立變。鴈
風。朝急。冶服成溫。

肩吾少事陶隱居。頗多藝術。隱居饋以朮蒸。肩吾
啟謝云。味重金漿。芳踰玉液。足使芝慙。明麗丹愧。
芙蓉坐致。延生伏深。銘戴。

肩吾有謝炭啟云。識慙曼倩。似見昆明之灰。清愧
伯鸞。不復因人之熱。可謂化臭腐爲神奇矣。同時
劉孝威亦有謝炭啟云。鑪生烽焰。室滿紅光。雉裘。

入而識奢鼠布焚而無污語非不佳去肩吾遠甚
孝威兄弟並有才名其謝賜諸啟有極工者孝儀
起家始興王法曹其謝始興王賜花純簞啟云麗
兼桃象周洽昏明便覺夏室已寒冬裘可襲雖九
日煎沙香粉猶棄三旬沸海團扇可捐又謝東宮
賜橘啟云俛匹穰橙俯聯楚柚寧似魏瓜借清泉
而得冷豈如蜀食待飴蜜而成甜孝威謝賚錦被
啟云色艷蒲桃采踰聯璧鄂君慙繡楚侍羞珠璣

復帝賜鶴綾客贈鴛綺高懸麗藻遠謝鮮明又謝
東宮賚藕啟云色華玉樹味奪瓊漿根出楊池聞
之僮約子爲靈散得自莊篇楚后江萍秦公海棗
凡厥水羞莫敢相輩又謝南康王懷牛啟云直宿
九重獲免疏步路休三徑且息徒行從紀甘泉方
無假於丞相騎至清廟又永笑於博陽六朝人語
每簡練穠浥若此

丘遲謝示青毛神龜啟云玄甲應於姬渚青髯符

於夏室。翱翔卷耳之陰。浮游蓮葉之上。藏采千載。
獻狀一朝。斯誠至德動天。窮神爲化。故能寶瑞開
圖。珍祥映謀。懷星抱月。負字銜書。江總上毛龜啟。
亦云影合四靈。光分五色。懷星抱月。負字銜圖。後
二語只不同一字。

陳文人徐陵稱首。陵父摛爲梁左衛率時。庾肩吾
掌管記陵及肩吾子信並爲抄撰學士。父子東宮
出入禁闥。旣文並綺艷。故世號徐庾體。陵在梁日。

王僧辯等勸進元帝表乃其所撰三四讀轉轉可
人蓋四六中絕有體制者也。畧云自氛氲混沌之
世。驪連栗陸之君。卦起龍圖。文因鳥跡。雲師火帝。
非無戰陣之風。堯誓湯征。咸川干戈之道。星躔東
井。時破崑潼。雷震南陽。初平尋邑。未有援三靈之
已。墜救四海之羣。飛赫赫明明。躬行天罰。如當今
之盛者也。於是卿雲似蓋。晨映姚鄉。甘露如珠。朝
垂原寢。芝房感德。咸出銅池。冀茲伺辰。無勞銀翦。

久應旁求掌故。詢詔天官。斟酌繁昌。經營高邑。揚
龍旂以饗帝。御鳳宸以承天。伏承聖旨。謙冲爲而
不宰。或云洛陽未復。函谷無泥。旋駕金陵。方膺天
睠。愚謂大庭少昊。非有定居。漢祖殷宗。皆無恒宅。
登封岱嶽。且署明堂。巡狩荊州。時行司隸。何必西
瞻虎踞。乃建王宮。南望牛頭。方稱天闕。帝覽表展
轉久之。乃卽位於江陵。

丹陽上庸路碑亦徐孝穆陵撰詞頗雋蔚其文曰

濟如白馬。旣礪廣陵之江山。曰金牛。孰辨梅湖之路。專州典郡。青鳬赤鴈之船。皇子天孫。鳴鳳飛龍之乘。莫不欣斯利涉。玩此修渠。乍擁楫而長歌。乃縱金而鳴籟。

徐陵侯安都碑文。望杏敦耕。瞻蒲勸穡。室歌千耦。家喜萬鍾。春鴈始轉。必具籠筐。秋蟀載吟。必鳴機杼。前四句勸耕。後四句勸織。後蜀孟昶勸農文全用之。

周明帝武帝並好文學。庾子山信特蒙恩禮。趙王

招滕王道周旋。欸至有若布衣之交。信有謝趙王

賚米二啟。俱極穠艷。一云上林紫水。雜蒹藻而俱

浮。雲夢清池。問芙蓉而外發。珍踰百味。來薦畫盤。

恩重千金。遂沾菲席。凌霜朱橘。愧此開顏。含露蒲

桃。慙其不餽。一云丹鳥銜穗。旣集西周。黃雀隨車

還。蜚東市。漬而爲種。不無霜雪之精。取以論兵。卽

有山川之勢。基陋巷簞瓢。櫛風沐雨。剝榆皮于秋

塞○掘○蟄○鷲○于○寒○山○仰○費○國○租○遂○開○塵○甑○非○丹○竈○而○
流○珠○異○荆○臺○而○炊○玉○東○方○朔○之○捧○米○既○息○長○饑○西○
門○豹○之○墾○田○方○慙○此○賚○

趙王好屬文嘗以新詩示信信荅啟云落落詞高○
飄飄意遠○文異水而湧泉○筆非秋而垂露○

趙王賚信雜色絲布三十段又賚其子絲布等五○
段信總以啟謝云南冠獲宥○既預禮延○稚子勝衣○
還榮拜謁○關尹津梁之職○鄴地雙絲扶風彩文之○

機仙園獨蛩青衿宜襲書生無廢學之詩春服既
成童子得雩沂之舞况復栖烏挾子同知桂樹之
恩澤雉將雛共喜行春之令根株一閭枝葉俱榮
其云南冠獲宥則子山初入周時也

趙王賚信白羅袍袴一具信謝啟云懸機巧縹變
躡奇文鳳不去而恒飛花雖寒而不落披千金之
暫煖棄百結之長寒永無黃葛之嗟方見青綾之
重對天山之積雪尚得開衿冒寒履之長風猶當

揮汗白龜報主終自無期黃雀謝恩竟知何日
庾開府謝趙王賚乾魚啟云不勞獅子之亭卽勝
雷池之長翻驚河伯獨不受人足笑任公終年垂
釣又謝滕王賚猪啟云白腹見珍度遼東之水赤
欄爲重對襄陽之城忽降全恩謹克炮烙孫弘牧
于淄水惟以求錢卜式餐于上林豈知其味乾魚
肥豕俗物耳乃發雅思如此

滕王賚信鹿子巾一枚信謝啟云解角新胎戴藤

初。朶。盤。龍。之。刀。旣。翦。長。命。之。縷。仍。縫。翠。羽。懸。推。芙。
蓉。高。讓。遊。斯。隱。士。足。笑。鼓。皮。入。彼。春。林。方。誇。笋。籜。
庾。開。府。謝。滕。王。賚。烏。騶。馬。啟。云。柳。谷。未。開。翻。逢。紫。
鷺。臨。源。猶。遠。忽。見。桃。花。流。電。爭。光。浮。雲。連。影。張。厭。
畫。眉。之。暇。且。走。章。臺。王。濟。飲。酒。之。歡。長。驅。金。埒。同。
時。王。司。空。褒。有。謝。馬。啟。亦。精。練。爲。時。所。稱。啟。曰。漢。
時。樂。府。偏。愛。權。奇。晉。世。桑。門。特。憐。神。駿。黃。金。作。勒。
足。度。西。河。白。玉。爲。鐙。方。傳。南。國。倘。逢。漢。帝。仍。駕。鼓。

車○若○值○魏○王○應○驚○香○氣○

庾○開○府○進○白○兔○表○云○光○鮮○越○雉○色○麗○秦○狐○月○德○符○
徵○金○精○表○瑞○借○白○雉○白○狐○形○容○妙○絕○

庾○開○府○溫○湯○碑○直○自○溫○泉○摹○寫○生○色○起○語○云○咸○池○
浴○日○光○應○綠○甲○之○圖○砥○柱○浮○天○始○受○玄○夷○之○命○中○
段○云○其○色○變○者○通○爲○五○雲○之○漿○其○味○美○者○結○爲○三○
危○之○露○煙○青○于○銅○浦○色○白○于○鉛○溪○非○神○鼎○而○長○拂○
異○龍○池○而○獨○涌○灑○胃○湔○腸○興○羸○起○瘠○秦○皇○餘○石○仍○

爲○鴈○齒○之○階○漢○武○舊○陶○卽○用○魚○鱗○之○瓦○末○段○云○豈○
若○醴○泉○消○疾○開○乎○建○武○之○朝○神○水○蠲○痼○在○乎○咸○康○
之○世○嵩○岳○三○僊○之○館○不○孤○擅○于○天○池○華○陰○百○丈○之○
泉○豈○獨○高○于○蓮○井○

庾開府從南朝初至北方。文士多輕之。後出枯樹
賦示衆。乃無敢言者。時溫子昇作寒山寺碑。信讀
而寫其本。南人問信。北方文士何如。信曰。唯寒山
一片石堪共語耳。子昇嘗爲王延明作壤國子祭

酒表云臣聞寶劍未砥猶乏切玉之功美箭闕羽
尚無充石之勢况才非會稽之竹質謝昆吾之金
至于敷教東序流化上庠曠官何仰此表亦爲一
時傳誦大抵溫故北方之士足稱才子未是名家
邢邵魏收與溫子昇齊譽世號三才邢邵嘗謂魏
收之文剽竊任昉魏收亦謂邢邵之賦剽竊沈約
蓋六朝氣習如此

北齊蕭慤梁室上黃侯之子工於賦詠曾秋夜得

偶句云芙蓉露下落楊柳月中疎顏之推輩咸嗟
賞之謂其蕭散宛然在目獨盧思道雅所不愜

盧思道與宗人詢祖並爲北州人俊詢祖舉秀才
至鄴趙郡李宗勲嘗宴諸文士齊文宣使小黃門
勅祖勲曰蠕蠕旣破何無賀表使者佇立待之諸
賓皆爲表詢祖俄頃便成其詞有云十萬橫行樊
將軍請而受屈五千深入李都尉去以不歸時重

其工

齊文宣崩當朝文士各作輓歌。魏收等得一二首。
盧思道獨有八篇。時人稱爲八米。盧郎關中語。歲
以六米七米八米分上中下八米。取數多也。盧後
相隋有代爲百官賀甘露表甚佳。畧云飛甘灑潤
玉散珠連。昔魏明僊掌。竟無靈液。漢武金盤。空望
雲表。豈若神漿。可挹流珠。九戶之前。天酒自零。凝
照三階之下。休矣美矣。皇哉唐哉。臣等並邀昌運。
俱沐玄造。振鱗撫翼。空馳魚鳥之心。瘞玉編金。方

待雲亭之后。

隋書多四六句如曰銜甲示于姬壇吐卷徵于孔
室。不知何謂詩疏言文王受命云季秋之月甲子
赤雀銜丹書入豐止于昌戶再拜稽首受。按此是
銜丹非銜甲也。銜甲二字出論語中候說又是言
堯非言文王又拾遺記孔子生之先有麟吐玉書
于闕里人家云水精之子系衰周而素王徵在以
繡紱係麟角下句當出于此然吐卷二字亦牽強

不如銜丹吐玉爲佳。

凡啟並自稱名。隋齊王暕遺崔贍書。贍答書云。祖
濬燕南贅客。河朔情游。本無意于希顏。豈有心于
慕蘭。况復桑榆暮藜。藿屢空舉。燭無成穿。楊盡
棄。但以燕求馬骨。薛養雞鳴。謬齒鴻儀。虛班驥阜。
挾太山而超海。比報德而非難。塋崑崙以爲池。匹
酬恩而反易。王得書。資米五十石。并衣服錢帛。王
又聞王貞名。以書召之。且索文集。貞啟謝云。孝逸

學無半古才不逮人。適鄆郢而迷途。入邯鄲而失步。終朝擊缶。匪黃鍾之所諧。日暮却行。何前人之能及。王得所上集。賜馬四匹。曠字祖濬。貞字孝逸。此書與啟並自稱字。

六朝氣靡。齊梁以還。綺縠彌甚。隋初治書侍御史李諤上書。以爲連篇累牘。不出月露之形。積案盈箱。盡是風雲之狀。棄大聖之軌模。構無用以爲用。識者謂其能揅時弊。要之昔人有言。唐律女工也。

六朝文亦女工也此體自不可少

六朝偶雋卷一

七

木石屑藏板

木石居精校八朝偶雋卷之二

句吳蔣一葵仲舒父原纂

吳興茅元銘鼎叔父重訂

唐

李百藥七歲能屬文。父德林嘗與其友陸乂馬元
熙宴集。讀徐陵文曰。旣取成周之禾。將刈琅瑯之
稻。並不知其事。百藥時侍立進曰。傳稱邠人藉稻。
杜預注曰。邠國在琅瑯開陽。乂等大驚異之。

貞觀間皇太子寄詩長孫趙國公無忌時許敬宗
爲代作謝牋云伏惟殿下溫文表裕藻清漢於離
暉麗則凝華縹春宮於博望乃以監守餘暇俯覘
清篇詞運理而參神氣凌雲而含粹五章間發若
啟榮光之圖六律相宣如覲奏金之字無忌幸從
神武愧乏王粲之才忝列斯文益深吳質之戀於
是扣寂求音繼震方之逸響披肝見意吐爵火之
微光敬宗十八學士中人其深于揆藻如此

貞觀間除太師制曰晨謁金墀事切于忠蹇夜隨銀。祭。義。先。于。調。護。亦。許。敬。宗。筆。

王勃六歲能屬文。年十三省其父至江西會府帥宴僚屬於滕王閣。帥有壻喜爲文章。欲誇之賓友。乃宿構滕王閣序。俟賓合而出之。若卽席而就者。旣會帥授簡諸客無敢當。次至勃勃輒受。帥旣非意。色甚不怡。乃使人伺其下筆。初報曰南昌故郡。洪都新府。帥曰此老生常談耳。次日星分翼軫地。

接○衡○廬○帥○沉○吟○移○晷○又○曰○落○霞○與○孤○鶩○齊○飛○秋○水○
共○長○天○一○色○帥○瞿○然○曰○天○才○也○斯○不○朽○矣○因○請○成○
文○極○歡○而○罷○

唐人詩文或干一句中自成對偶謂之當句對
蓋起于楚辭蕙蒸蘭藉桂酒椒漿桂揮蘭杜衡
氷積雪自齊梁以來江文通庾子山諸人亦如
此王勃宴滕王閣序一篇皆然若襟三江帶五
湖控蠻荆引歐越龍光斗牛徐孺陳蕃騰蛟起

鳳紫電青霜鷗汀鳬渚桂殿蘭宮鍾鳴鼎食青
雀黃龍落霞孤鶩秋水長天天高地迥興盡悲
來之辭是也于公異破朱泚露布亦然如堯舜
禹湯之德統元立極之君卧鼓偃旗養威蓄銳
夾川谷而左旋右抽抵丘陵而浸淫布漢聲塞
宇宙氣雄鉦鼓驅兇作威風雷動色山傾河泄
霆闢雷驅自北徂南輿尸折首左文右武銷鋒
鑄鐫之辭是也

三國典畧蕭明與王僧辯書霜戈電戟無非武庫
之兵。龍甲犀渠。盡是雲臺之仗。王勃紫電清霜。王
將軍之武庫。正用此事。以十三歲童子胸中萬卷
千秋之下宿儒。猶不能知其出處。豈非間世奇材
杜子美韓退之極其推服。良有以也。

文選王簡栖頭陀寺碑文有云。層軒延袤。上出雲
霓。飛閣逶迤。下臨無地。滕王閣序亦云。層臺聳翠。
上出重霄。飛閣流丹。下臨無地。不唯蹈襲其步驟。

而雕琢愈工矣。

文選王儉作楮淵碑。風儀與秋月齊明。音徽共春
雲等潤。庾信集三月三日華林園馬射賦。序落花
與芝蓋齊飛。楊柳共春旗一色。隋長壽寺舍利碑
浮雲共嶺松張。蓋明月與巖桂分叢。滕王閣序落
霞二句本此。然勃之語何啻青出於藍。雖曰前無
古人可也。或以落霞作鳥名者。反覺意味淺短。
滕王閣序天高地迥。覺宇宙之無窮。興盡悲來。識

盈虛之有數。其意義頗遠。又馮居易老李唐難封。
屈賈誼於長沙。非無聖主。竄梁鴻於海曲。豈乏明。
時。所賴君子安貧。達人知命。老當益壯。寧知白首。
之。心。窮。且。益。堅。不。墜。青。雲。之。志。子。安。雖。復。詞。人。胸。
中。故。自。豁。落。

王勃益州夫子廟碑云。帝車南指。遁七曜于中階。
華蓋西臨。藏五雲于太甲。張燕公讀碑至此四句。
悉不解。訪之一公。一公言。北斗建午。七曜在南方。

有是之祥。無位聖人當出。華蓋以下。卒不可悉。老
杜出瞿塘峽詩。五雲高太甲。六月曠搏扶。全用王
語。注亦不釋其義。老杜讀書破萬卷。自有所據。或
入蜀見此碑而用其語也。晉天文志。華蓋杠旁六
星曰六甲。分陰陽而配節候。大甲恐是六甲一星
之名。

王勃時與楊炯、盧照鄰、駱賓王皆以文詞知名。海
內稱爲王、楊、盧、駱。亦號四傑。炯歎曰。吾愧在盧前。

耻居王後及序勃集有云薛令言朝右文宗托末契而推一變盧照鄰人間才傑覽清規而輟九知則又推服如此張燕公嘗謂人曰楊盈川之文如懸河注水酌之不竭旣優于盧亦不減王耻居王後信然愧在盧前謙也

唐初改秘書省爲監掌書籍圖史天文曆數之事領著作太史二局楊盈川序云周王羣玉之山漢帝蓬萊之室觀星文而攷南極天象入於璣衡披

帝冊而質龍神。負圖出於河洛。

唐著作局有雙槿樹。盧照鄰同崔少監作賦序云。
蓬萊山上。卽對神仙。芸香閣前。仍觀祕寶。金懸秦
市。楊子見而無言。紙貴洛城。陸生聞而罷笑。故知
柔條朽榦。吹噓變其。死生落葉凋花。剪拂成其。光
價。方且傳石渠之故事。得槿樹之新名。足以脂粉
仙臺。丹青祕府者也。賦云。地則圖書之府。人則神
仙之靈。中有芳薜。鬱鬱亭亭。兩砌分植。雙階並耀。

葉鏤五衢。榮分四照。青陸至而鶯啼。朱陽升而花笑。紫蒂紅蕤。玉蘂蒼枝。露華的皪。風色徘徊。寂寞條利。棲閑此地。委命卷舒。隨時榮頓。外無嬰天之禍。內有逍遙之致。賦出一時競寫。因名著作爲雙。槿署云。

楊盈川爲文好以古人姓名連用。如張平子之畧談。陸士衡之所記。潘安仁宜其陋矣。仲長統何足知之人。號爲點鬼簿。駱賓王文好以數對。如秦地。

重關一百二。漢家離宮三十六。人號爲筭博士。

卽滕王閣序中如徐孺陳蕃馮唐李廣及若三
江五湖三尺一介亦未嘗不點鬼握算也

駱賓王爲齊州父老請陪封禪表云。鄒魯舊邦。臨
淄遺俗。俱沐二周之化。咸稱一變之風。境接青疇。
俯瞰獲麟之野。山開翠屺。斜連辨馬之峯。豈可使
稷山遺氓。頓隔陪封之禮。淹中故老。獨奉告成之
儀。是用就日披丹。仰壁輪而三舍。望雲杼素。叩天

關於九重。句句俱是齊州父老口吻。

賓王請陪封禪表有云。河浮五老。啟赤文于帝期。
海薦四神。奉丹書于王會。後作姚州道破設蒙儉。
露布亦用之。云四神踐雪。五老飛星。論語識堯與
舜遊首山觀河渚。有五老遊河。一老曰河圖將來
告帝期。一老曰河圖將來告帝謀。一老曰河圖將
來告帝書。一老曰河圖將來告帝圖。一老曰河圖
將來告帝符。言訖飛于天。入于鼎。又武王伐紂天

大雨雪南海神祝融北海神玄冥東海神勾芒西
海神蓐收四神及河伯詣王門曰天伐殷立周謹
來受命奉其使賓王用此二事

賓王上裴侍郎書云義士期乎貞夫忠臣出乎孝
子既不能推心以奉母亦焉能歿節以事人假物
議之無嫌實吾斯之未信况流沙一去絕塞千里
子愴入塞之冤母切倚廬之望就令歎以卒歲仰
南薰之不貲而使憂能傷人迫西山而何幾裴侍

郎卽行儉也。時欲以書記之事委駱駱。有母在。欲終養。故辭之如此。誰謂賓王才士而無器識耶。及上司行太常伯啟。則云膾餘之魚。希振鱗于吳水。膳後之豕。翻化龜于魯津。上兖州啟。則云奮短翮于搶掄。希高標之餘拂。濯纖鱗于涓滴。望鴻浪之微霑。上瑕丘韋明府啟。則云沉骸九歿。終望銜珠。殞首三泉。徒希結草。又汲汲于干進。若不及者。前後兩截。人宜爲行儉識破。

賓王諸啟。纏纏千餘言。如宮商相間。繪素相雜。然
前後多雷同。不耐檢。如上司刑太常伯啟云。登小
魯之巖。辨練光于曳馬。臨大吳之國。識寶氣于連
牛。垂秋實于談叢。絢春花于詞苑。末云。庶望顧兔
維箕。動薰風于舜游。從龍潤礎。霈甘澤于堯雲。上
廉使啟。復襲用之上。李少常啟云。片善必甄。挹虞
翻于東箭。一言可紀。許顧榮以南金。某璠木朽株。
散樗賤質。退無毛薛之交。進乏金張之援。塊然獨

居十載于茲矣。然而日夜遷代。歎溝壑之非遙。貧
病交侵。思薜蘿而可託。欲乘幽控寂。進綺季于青
山。樂道棲真。從魯連于滄海。上張司馬。啟復襲用
之。豈文章大家亦自有帖括耶。殆不能爲駱丞解
嘲也。

賓王月雨。尋菊序參差。遠岫斷雲。將野鶴俱飛。滴
瀝空庭。竹響共雨聲相亂。仰折巾于書閣。行閱飄
蕪。挹雅步于琴臺。坐聞流水。字中蝌蚪。競落文河。

筆下龍蛇爭投學海珠。簾映水風生。曳露之濤錦。
石封泥苔。浥印龜之岸。墜白花于濕桂。落紫蓓于
疎藤。雖物序足悲。而人風可愛。留姓名于金谷。不
謝季倫。混心迹于王山。無慙叔夜。此篇與滕王閣
序競爽。蓋一時詞家意興所到。下筆自同。譬之富
人肆筵。彼此珍錯。不必詢其倣效誰何也。

賓王揚州看競渡。序臨波笑臉豔。出浦之輕蓮。映
渚蛾眉麗。穿波之半月。能使洛川迴雪。猶賦陳思。

巫嶺行雲專稱宋玉錦心繡口落筆自是不凡然
而比于淫矣。

駱丞在徐敬業府爲敬業檄武后罪狀武氏覽及
入門見嫉娥眉不肯讓人掩袂攻讒狐媚偏能惑
主。微笑而已至一杯之土未乾六尺之孤安在不
悅曰宰相何得失如此人。

狄梁公仁傑告老表曰脫簪公府歸杖私門又曰
采羅含歸老之蘭飲胡廣延年之菊人知梁公反

周爲唐勲烈表表當時而知其文者蓋少

狄梁公巡撫江南日奏毀吳楚淫祠千七百所西
吳有西楚霸王廟亦在毀中公自爲檄文曰自祖
龍御宇橫噬諸侯任趙高以當軸棄蒙恬而齒劍
沙丘作禍於前望夷覆滅於後七廟墮圯萬姓屠
原鳥思靜于飛塵魚豈安於沸水赫矣皇漢膺赤
帝之貞符當四靈之欽運俯張地紐彰鳳紀之祥
仰緝天網鬱龍興之兆而君矜扛鼎之雄逞拔山

之力。莫測天符所會。不知曆數攸歸。遂奮關中之
翼。竟垂垓下之翅。蓋實由于人事。焉有屬於天亡。
固當匿魄東峯。收魂北極。豈合虛承廟食。廣費牲
牢。今遣焚燎祠宇。使蕙韓銷燼。羽帳隨煙。君宜速
遷。勿爲人患。

武周以御覽博要等書聚事未備。令麟臺監張昌
宗少監李嶠廣召文學之士。徐彥伯。員半千等增
定千三百卷。更加佛教道流等部。御名曰三教珠

英所刊定佛經序皆御製或稱則天或稱中宗或
稱睿宗雖不能盡窺禪宗秘密而半滿共貫根葉
備設其警句有云真。空。無。象。非。象。教。無。以。譯。其。真。
實。際。無。言。非。言。緒。無。以。簪。其。實。又。貝。葉。靈。文。北。天
之訓逾遠。貫花微旨。西秦之譯更新。又大乘小乘
逗根基而演教。半字滿字。逐權實而敷文。又龍持
貝葉。函傳摩竭之城。象負蓮花。遂滿真丹之境。又
再懸佛日。重補梵天。龍宮將八柱。齊安鷲嶺共五。

峯俱峻。又舜河與定水俱清。堯燭共慈燈並照。又
戒香與覺花齊馥。意珠共明月同圓。此皆彥伯諸
人潛撰托云聖製以欺世者也。

佛以獨體字爲半字。合體字爲滿字。魚莊飾門

柱曰摩竭真丹震且也。

徐彥伯爲文多變易。求新以鳳閣爲鵷閣。以龍門
爲虬戶。以金谷爲銑溪。以玉山爲瓊岳。以芻狗爲
卉犬。以竹馬爲篠驂。以月兔爲魄兔。以風牛爲颺

續後進效之謂之凝體

武三思武后之姪當時亦以文稱有賀老人星表
曰澄霞助月非唯石氏之占散異垂芒何獨斗樞
之說按運斗樞曰老人星見常散異垂芒石氏星
占曰星出澄霞助月主人君壽三思用作一聯工
甚

張文成薦以詞學知名凡七應舉四叅選其判策
皆登甲第員半千謂人曰張子之文如青銅錢萬

棟萬中故人號爲青錢學士時有明經董萬舉九
上不第號白蠟明經與鶯爲對

唐世選士之科不一書判拔萃其尤也張鶯龍筋
鳳髓判自省臺寺監以至州縣爲題僅百而辭章
藻麗頗多可採如中書通事舍人崔暹奏事口誤
御史彈付法大理斷笞三十徵銅四觔暹欸奏事
雖誤不失事意不伏徵銅判云裴楷之英姿肅肅
朝野羽儀魏紆之容止堂堂羣僚領袖自可曳裾

紫禁伏奏青規。助朝廷之光輝。贊明時之喉舌。芝泥發彩。宣鳳藻而騰文。蘭檢浮香。潤龍縑而動色。豈容金馬之對。未被譽稱。神羊之威。俄聞奏劾。罰金旣罹于疎網。辨壁無捨于明珠。雖觸凝霜。理宜清雪。又御史王銓奉劾。推衡州司馬鍾建未返制命。輒干他事。解來陽縣。令張泰泰不伏判。云棲鳥之府地。凜冽而風生。避馬之臺氣。威稜而霜動。某位叅持斧。職在埋輪。履暴勝之清微。乘葛豐之雄

烈冠施鐵樹貴戚傷心花發繡衣姦家歛手推鍾
建之罪特奉絲言舉張泰之辜無虧格式正當直
指豈是輒干又戶部侍郎韋珍奏稱諸州造籍脫
漏丁口租調破除倍於常歲請取出付法判云班
固申犬牙之制疆場星分應璩論馬齒之規井田
鱗次戶標九等俱陳萬國之圖人有十倫並掛三
年之籍豈容丁口脫漏任意疎遺租調破除恣情
抽減又禮部奏海州奏朱鴈集岐州奏白麟見及

薦郊廟二項俱無判云與朕三禮大舜委于姜夷
分勅六卿成王任于彤伯建茲歲首寔曰春官敦
叙九族之親欽若五常之教祀天郊地之典舉其
宏綱朝日夕月之儀撮其機要岐州俯鄰八水斜
瞻鸞鷟之峯海部近控三山迴瞰鯨鯢之穴陳敬
所奏瑞鴈翔朱薛泰申文翔麟孕素旄丹霞于日
羽晃若朝輪晶白雪于霜毛皎同秋練旣無狀驗
空有奏章尋鳥跡于雲空察人形于冰鏡語同捕

影。不可証神。狀等繫風。如何薦廟。數條字字有來。
歷雖疊用故事。不厭其多。洪景廬見謂堆垛不切。
于蔽罪議法。遂云無一可讀。似非至當之論。不切。
張鷟龍筋鳳髓。判末有籍田親蠶二條。亦極典則。
籍田云青壇岳立。翠幙煙平。百司於是駿奔。三公。
以之肅事。紺轅黛紱。克遵應劭之儀。綠耦朱紘。允。
備曹褒之禮。親蠶云鳴鳩醉樵之朝。戴勝降桑之。
日。駕帷就列。一十四位導其前。驚服斯臨。百二十。

官隨其後。三盆事畢。獻于王公五服。功成陳之宗廟。

李嶠兒時夢人遺雙筆。自是有文辭。神龍初爲中書令。時有道士馮道力讓官封。嶠爲作表云。某潛形草澤。不將臯鶴。並聞浪性雲霞。惟慕海鷗。相狎十步。徒歡於飲啄。一官匪尚於榮華。所冀資此俸秩。永修齋供。庶玉清垂貺。增寶祚於三光。金籙開祥。固珍圖於萬劫。

景龍初置修文館學士。選公卿善爲文者李嶠等
二十餘人爲之陪侍遊宴。賦詩屬和。三年元日清
暉閣登高遇雪。宗楚客詩云蓬萊雪作山是也。嶠
爲百僚賀表云縈樓樓檻。疑壁臺之九重。落絮飄
花似芳林之二月。豈惟洛神呈象來舞帝宮。固亦
海騎相趨下朝仙闕。東臯欣而望歲。南史慶而書
祥。萬寶登秋居然可詠。雙桐叶唱卽事非遙。復賦
詩有千鍾聖酒。御筵披之句。是日甚歡。

李嶠有爲臨川王讓千牛將軍表視它表更饒風
力其辭云臣某夙奉皇明已忝銜珠之秩兄某近
承天澤又當執金之位弟兄齊列伯仲分曹咸典
禁戎比叅宸衛匪唯官崇祿厚思滿盈而增憂固
亦秉勢操權顧章程而自惕又云伏乞收迹丹墀
歸骸素里庇堯雲之光彩浴舜海之波瀾柳蔚桃
濃聽南鄰之鐘磬茅舒桂滿陪北闕之簪纓食厚
渥而忘饑樂太平而愈疾

崔融擢八科高第爲崇文館學士武后美其文進
鳳閣舍人。是時有芝草生殿中。融表賀曰。伏惟天
后。化含萬物。訓正六宮。天下被塗山之音。海內仰
河洲之教。芝英繞殿。鸞疑王母之臺。靈草成田。聊
比宓妃之館。斜臨網樹。分貝葉而重開。近對淪池。
接蓮花而倒下。豈與夫生於石室。空傳好道之言。
產自珠宮。徒事不經之說。句句從天后殿上討出。
便妙。若只泛泛在芝草上着脚。假饒生色。亦無雋

永矣。融後撰武后哀冊文。最高麗絕筆。而歿時。謂
思苦神竭。

崔融賀嘉麥表。與張說奏嘉禾表時。並稱其精絕。
崔表曰。纖芒濯露。疑因黑壤之宜。香稼搖風。若吐
黃金之色。張表曰。臣初見衆苗。亘壟香穎垂秋。嘉
玩繁滋。欲觀成粒。左右無識。折以呈臣。臣異其綠。
葉緩舒。葱芒壁秀。熟視奇狀。乃知嘉祥。下則異畝。
合莖。上又同連。雙穗昔雍熙之代。政理之君。雖祥

出應時而生。不擇地。未有託根神域。彰孝德之弘。
深吐秀壽宮。助粢盛之豐潔。此段光景如畫。然殊
不滯於四六。與崔表另一格。

張說讓封燕國公表云。且如人臣之義。二則爲罪。
愚智之分。一心不回。譬如犬馬有不背之性。草本
有不凋之理。知何德于天壤。而欲蒙造化之偏施
哉。臣之無功。正與此類。此段反覆譬喻。四六中不
多得文至此。又一變矣。

燕國公子祭酒表云東朝束帶銀榜增華四序影
纓環林益濶其文冠冕高華蔚有采色自來作國
子表並不及

庾信碑云龜顧印函蛇盤綬笥燕公改用龜顧印
房蛇盤綬篋愈佳

姚崇與張說同相頗懷疑阻張衡之崇病戒諸子
曰張與吾隙隙甚深然爲人奢侈好服玩吾沒後
當來吊汝具陳吾平生服玩寶帶重器致之仍以

神道碑爲請。旣獲文。卽時鐫刻。張見事遲。數日後必悔。欲索回。刪正當引使者視石。告云。且已聞于上矣。崇沒。張果至。目其玩器者三四。諸子悉如崇戒。不數日。文成。叙足該詳。時謂極筆。畧曰。八柱承天。高明之位。列四時成序。亭育之功。全。後果悔。遣使取本。以辭未周密爲辭。將加刪改。姚諸子。吉以云云。使者復命。張大恨。撫膺曰。死姚崇能算生張說。

河圖括地象曰崑崙山爲柱氣上通天崑崙者
地之中地下有八柱柱廣十萬里有三千六百
軸互相牽制名山大川孔穴相通

蘇頲襲封許國公自景龍後與張說以文章顯稱
望略等故時號燕許大手筆玄宗愛其文曰卿所
爲詔令當別錄副本署臣某撰朕當留中後遂爲
故事其草幸新豐及同州勅曰朕受命膺期勵精
設教幸乾坤幽贊風雨咸若百物既阜三農已登

同穎薦于宗廟。雙穗生于郡國。我無大桀。實欣于
歲。取人有小康。未果于時邁。但左翊之地。近附黃
圖。新豐之邑。甫鄰青綺。山川宮館。咫尺相望。欲過
灞亭而涉澱。經沙阜而臨渭。見彼耆耄。問其疾苦。
察長史之政。恤黎甿之寃。蓋所以展義陳詩。觀風
問俗。始自畿甸。化于天下。並令所司。不得干擾。州
邊飛騎。不須別遣兵馬。各勉所職。副朕意焉。其後
李德裕著論曰。近世詔告。惟頴叙事外。自爲文章。

云。

唐人賦公主事多用鳳皇樓烏鵲橋作偶。小許公
大平公主南庄應制詩曰主第山門起灞川。宸遊
風景入初年。鳳皇樓上交天仗。烏鵲橋頭敞御筵。
徃徃花間逢彩石。時時竹裏見紅泉。今朝扈蹕平
陽館。不羨乘槎雲漢邊。長寧宮主下嫁楊慎交制
亦曰鳳皇樓上。宛符琴瑟之歡。烏鵲橋前。載協菰
蘿之契。

小許公之子晉亦善屬文數歲作八卦論王紹宗
嘆曰後來之王粲也景雲中居修文館玄宗監國
制命多晉藹定時有丞相少傅拜職帝作三條詩
以命宴晉爲之序曰一○心○天○工○戮○力○帝○載○寢○黑○山○
之○柝○苞○青○海○之○戈○雲○雨○賢○才○水○火○菽○粟○日○詠○魚○藻○
歲陳由庚順殷趙之年留魯陽之景爰命在宴乃
賡載歌。

崔沔舉賢良方正高第覆試對益工遂擢第一岑

義薦爲左補闕。當官不屈。帝嘗有手詔優獎。汚謝表云。初喜。麗天之象。遠燭。渾光。旋驚垂露之蹤。曲單霈澤。鸞鶴廻翔。而變態烟雲。舒卷以呈姿。賦彩飛空。聳神蕩目。岑義見之。擊節不已。

開元相張九齡謝賜香藥面脂表云。捧日月之光。寒移雪海。沐雲雨之澤。春入花門。雕奩或開。珠囊暫解。蘭薰異氣。玉潤凝脂。藥自天來。不假淮王之術。香宜風度。如傳荀令之衣。臣材謝中人位。叅上

將○疆○場○效○淺○山○岳○恩○深○唯○因○受○遇○之○多○轉○覺○輕○生○
之○速○又○建○中○相○常○袞○謝○緋○表○云○臣○學○愧○聚○螢○才○非○
倚○馬○典○墳○未○博○謬○居○良○史○之○官○詞○翰○不○工○叨○辱○侍○
臣○之○列○唯○知○待○罪○敢○望○殊○私○銀○章○雪○明○朱○紱○霞○暎○
魚○須○在○手○虹○玉○橫○腰○祇○奉○寵○榮○頓○忘○兢○惕○蟬○蛸○之○
羽○恐○刺○國○風○螻○蟻○之○誠○難○酬○天○造○二○表○才○數○語○耳○
曲○盡○賜○予○之○意○謝○賜○物○者○宜○以○爲○法○

明皇旣在位久稍怠庶政張曲江在相位每見帝

極言李林甫方同列。陰欲中之。會將加牛仙客實
封。曲江稱其不可。甚不叶帝旨。它日林甫請見。屢
陳曲江誹謗。于時方秋。帝命高力士持白羽扇以
賜。將寄意焉。曲江乃獻賦。自況其末曰。苟效用之
得所。雖殺身以何忌。又曰。縱秋氣之移奪。終感恩
于篋中。又爲燕詩以貽林甫。曰。海燕何微眇。乘春
亦暫來。豈知泥濘濺。只見玉堂開。繡戶時雙入。華
軒日幾回。無心與物競。鷹隼莫相猜。林甫覽之。知

其必退。恚怒稍解。

天寶初。老子降丹鳳門。告賜靈符在尹喜故宅上。遣使得之。乃追尊聖祖玄元皇帝。仍詔州郡立紫極宮。畫象事之。上黨郡奏啟。玄元玉石真容。主上聖容。其夜殿內有光。非常及開殿門。其光彌盛。滿堂如晝。久之方散。王摩詰維爲表賀云。伏惟陛下挾風雲之質。敬想猶龍。寫日月之儀。欽承大象。仍迴舊邸。以奉清都。真容聖容。旣明四目。照殿照室。

忽類三光。琪樹韜花。瑤池奪映。

明皇晚年頗修漢武故事。王維奉旨往名山修功德。至南海。恍惚見一老人。云是羅浮神人。常七曜洞來往。昔曾九疑山桂陽石室中藏天樂一部。歲久變爲五野豬。彼郡百姓捉獲。可往取獻。皇帝每所祭。但依方安置奏之。卽五音自和。天仙百神應聲降福。維奉神言。卽往桂陽尋問。百姓云。天寶二載。村人見有五野豬。逐之走入石室。化爲石物。五

枚○惟○取○扣○之○與○神○人○言○不○異○因○作○賀○表○奉○進○云○伏
惟○陛○下○奉○先○天○之○聖○祖○玄○化○協○于○無○爲○育○率○土○之
羣○生○至○仁○侔○于○陰○陽○然○猶○精○意○不○倦○聖○祀○逾○崇○遍
體○羣○仙○思○祐○九○服○故○得○龐○眉○皓○髮○遙○同○入○昴○之○人○
真○訣○玄○言○來○告○馭○風○之○客○棲○身○七○曜○以○俟○唐○堯○藏
樂○九○疑○而○傳○虞○舜○留○茲○石○室○思○獻○玉○墀○憑○野○豕○以
呈○形○表○洞○仙○之○屬○意○亦○旣○考○擊○動○諧○律○呂○詔○濩○慙
其○九○奏○雲○咸○失○其○八○音○翠○鳳○入○于○洞○簫○殊○非○雅○韻○

朱鷺傳于鼓鼓敢比仙聲

摩詰爲畫人謝賜表云臣猥以賤伎得備衆工誤
點屏風乏成蠅之巧偶持團扇無事特之能特奉
詔旨令寫功臣運偶鳳翔之初無非鷹揚之士燕
頤猿臂裂背奮髯髮衝鵝冠力舉龍鼎愛風猛毅
眸子分明皆就筆端別生身外傳神寫照雖非巧
心審象求形或皆暗識妍媸無杜敢顧黃金取舍
惟精時憑白粉且如日磬下泣知其孝思于禁懷

慚。媿。此。忠。節。廼。無。聲。之。箴。頌。亦。何。賤。于。丹。青。

摩詰送晁秘書還日本詩九州何處遠。萬里若乘
空。向。國。唯。看。日。歸。帆。但。信。風。鰲。身。映。天。黑。魚。眼。射
波。紅。鄉。樹。扶。桑。外。主。人。孤。島。中。神。境。俱。到。送。日。本
無。過。之。者。又。有。序。云。鯨。魚。噴。浪。則。萬。里。倒。廻。鷁。首。
乘。雲。則。八。風。卻。走。扶。桑。若。薺。鬱。島。如。萍。沃。白。日。而
簸。三。山。浮。蒼。天。而。吞。九。域。黃。雀。之。風。動。地。黑。蜃。之
氣。成。雲。此。段。叙。海。景。如。畫。與。詩。義。頗。合。疑。一。時。贈。

別所作。

安祿山反。王維陷賊中。賊大宴凝碧池。維痛悼賦詩曰。萬戶傷心。生野烟。百官何日更朝天。秋槐落葉深宮裏。凝碧池頭奏管絃。詩聞行在。後得免死。下遷太子中允。其謝表云。穢汙殘骸。死滅餘氣。伏謁明主。豈不自愧于心。仰廁羣臣。亦復何施其面。肅宗深憐之。

庾詰謝集賢學士表有云。聞相如在蜀。恨不同時。

微枚乘于齊惜其已老急賢之肯欲賜追封如臣
不才豈宜濫吹此段用事實有滑稽意與凡稱引
者不同

初安祿山歿陷賊官三等定罪時維弟縉位已顯
請削官贖維罪因得下遷久之三遷尚書右丞縉
爲蜀州刺史未還維自表已有五短縉五長臣在
省戶縉遠方願歸所任官放田里使縉得還京師
上乃召縉爲左散騎常侍維作謝狀云不材之次

跼○萼○聯○芳○斷○行○之○鴈○飛○鳴○接○翼○自○天○之○命○特○出○宸○
衷○塗○地○之○心○難○酬○聖○造○帝○答○詔○云○建○禮○朝○昇○鵷○行○
並○列○承○明○晚○下○鴈○序○同○歸○乃○眷○家○肥○無○忘○國○命○後○
代○宗○朝○繼○爲○宰○相○裒○維○集○上○之○其○表○云○曲○承○天○鑒○
下○訪○遺○文○魂○而○有○知○荷○寵○光○于○幽○窆○歿○而○不○朽○成○
大○名○于○聖○朝○代○宗○答○詔○云○卿○之○伯○氏○天○下○文○宗○位○
列○先○朝○名○高○希○代○杭○行○周○雅○長○揖○楚○辭○調○六○氣○于○
終○篇○正○五○音○于○逸○韻○泉○飛○藻○思○雲○散○襟○情○乃○眷○棣○

華克成編錄聲猷益茂歎息良深傳稱維與縉俱
有俊才閨門友悌讀表詔爲之撫然若二公可謂
真兄弟矣

安祿山歿高適表賀云臣得河南道及諸州牒皆
言逆賊安祿山苦痛而死手足俱落眼鼻殘壞臣
適誠懽誠喜頓首頓首逆賊孤負聖朝造作氛祲
嘯聚吠堯之犬倚賴射天之矢臣恨不得血賊于
萬戟肉賊于三軍空隨率土之歡達奉九霄之慶

卽當總統將士。憑恃威靈。驅未盡之犬羊。覆已亡之巢穴。表出天下。傳誦稱快。

郭子儀收復西京。玄宗在蜀。太子卽位于靈武。已表請東歸。李泌曰。上皇不來矣。請更爲羣臣賀表。言上思戀晨昏。就孝養之意。則可。時常袞賀表云。敗符融于淝水。自可慚功。破王邑於昆陽。未云快意。遂封尸于京觀。旋振旅于王城。著艾雲迎。久思周德。衣冠雨泣。還覩漢儀。謳吟變喚。咻之聲。氣象。

迴嚴凝之慘。廓丹霄以瞻羽衛。肅黃道而復鑾輿。
正寶位于北辰。道光主鬯。迎上皇于西蜀。歡展奉
親。永惟宗社之靈。實荷乾坤之慶。其後成都使還
言上皇初得上表。彷徨不能食。欲不歸。及羣臣表
至。迺大喜。命食作樂。下詔定日。

張巡守睢陽城。孤勢威八困。食竭。以絺布煮食之。
而意氣自如。其謝金吾將軍表曰。想峨嵋之碧峯。
豫西遊蜀。追驂駟于玄圃。保壽南山。逆賊祿山殺

戮黎獻。腥膻闕庭。臣被圍七旬。親經百戰。主辱臣死。當臣致命之時。惡稔罪盈。是賊滅亡之日。許遠亦有文。其祭饗文爲時所稱。謂太一先鋒。蚩尤後殿。蒼龍持弓。白虎捧箭。又祭城隍文云。胥井鳩翔。老堞龍搜。其與張巡皆文武雄健。志氣不衰。真忠烈之士也。